

沈雲龍編輯

明清史料彙編

集 四

第二十冊

文海出版社
印行

明清史料彙編 四集 目錄

第十二冊

小腆紀傳 四……………清·徐

(卷五十六至卷六十五及補遺)

蕭撰 一三四七



小腆紀傳卷第五十六

前翰林院檢討加詹事府贊善銜六合徐肅譔

列傳第四十九

遺臣一

孔貞運

賈必選

吳姓

王心一

申紹芳
黃翼聖

黃孔昭
邱上儀

沈之琰
張鹿徵

陸坦
孫宗岱

許譽卿

陳啓新
吳有涯

倪嘉慶
薛采

孫自脩

錢龍錫

陳濟生
史愔

李世祺
李延昱

方震孺

方孔昭

蔣岐臣
周岐

鄭三俊

金光辰
方士亮

黃正賓
凌世韶

葉廷秀

成勇

范復粹

曹瑩
袁愷

姜琛

弟垓
兄圻

陳奇瑜

丁啓睿

李長庚

周堪廣

文士昂
羅其鼎

陳所聞
陳五聚

羅楨

張聖型

張聖域

米助國

余鵬翔

于斯力

郭都賢

文煥
楊山松

陶汝肅

劉瑄

潘應斗

弟應星
鄒統魯

賀奇
管嗣業

孔貞運句客人至聖六十三代孫也萬厯己未以殿試第二人授編修崇禎元年擢國子監祭酒進少詹仍管監事二年正月帝臨雍貞運進講書經孔氏子孫以國師進講者自唐孔穎達後至貞運乃再見賜一品服尋以艱歸六年服闋起南京禮部侍郎越二年遷吏部左侍郎九年六月入閣以底復社與首輔溫體仁相忤不敢有所建白及爲首輔乃揭救鄭三俊錢謙益俱寬擬後以事爲御史郭景貞所劾乃引歸

十七年五月烈皇帝哀詔至哭臨慟絕不能起舁歸得疾遂卒

賈必選字徙南上元人萬厯己酉舉人官戶部主事筦西新倉時巨璫總理兩部必選黜陟規無所染璫爲歛迹同官倪嘉慶以屯豆下獄必選辨其冤謫九江幕遷桂林推官升南工部虞衡司丁艱歸卽杜門講學著書年八十七始卒

吳甡字鹿友揚州興化人萬厯癸丑進士由知縣入爲御史天啓中忤璫削籍崇禎初起故官按河南妖人聚徒劫掠捕其魁誅之賑延綏饑民因諭散賊黨按陝西劾大將杜文煥冒功罪置之法所請皆允行遷大理寺丞進左通政七年擢右僉都御史巡撫山西扼河防秦豫連三歲無一賊潛渡築

邊牆免殘破州縣租誅降賊之自恣者而免脅從於死晉人
戴如慈母謝病歸十一年冬起兵部左侍郎遲不至落職閒
住十三年冬起故官協理戎政帝嘗問京營軍何以使練者
皆精汰者不譁甞請行分練法問別立戰營否甞言練兵法
要在選將法忌紛更不必別立戰營也十五年六月擢禮部
尙書兼東閣大學士甞有幹濟才而趨避任術初周延儒以
馮銓力再相謀藉捐賑復銓冠帶公議大沸馮元颺爲甞謀
說延儒引甞共爲銓地甞遂得柄用及延儒語銓事則言逆
案不可翻延儒始知爲所紿又欲起張捷爲南京右都御史
引錦衣都督駱養性甞皆持不可以此積不相能十六年春
三月楚疆大壞帝召對廷臣隕涕謂甞往督湖廣軍甞請精

兵三萬自金陵趨武昌帝言兵多難驟集南京隔遠不必退
守甞言左良玉跋扈甚於往時臣節制不行徒損威重南京
在下流宜兼顧非退守也督撫無兵臣束手待賊事機有不
忍言者帝欲甞速行而難於發言命兵部發兵則無可調甞
不得已以五月辭朝詔責其逗遛命輟行入直甞惶恐引罪
歸帝怒不已遣戍金齒南京兵部尙書史可法疏救不許南
都立赦還復秩吏部尙書張愼言議召用甞爲勛臣劉孔昭
所阻詳愼言等傳甞嘗自言遠追微箕狂遁之迹終矢龔謝
病臥之心懷守歲寒歸覲君父又言以谿堂爲大窖贍薪爲
瓊雪冠履爲漢節久之卒

王心一字純甫吳縣人萬厯癸丑進士由行人擢御史天啓

元年詔給客氏土田二十頃爲護墳香火貲魏進忠侍衛有
功並陵功敘錄心一抗疏言陛下眷念二人加給土田明示
優錄恐東征將士聞而解體況梓宮未殯先念保姆之香火
陵工未成強入奄侍之勤勞於理爲不順於情爲失宜不報
已給事中侯震陽發客氏罪狀被謫心一論救並坐貶廷臣
請召還者十餘疏尋以皇子生復官累擢刑部侍郎宏光時
起原官無所建白南都亡微服遁久之卒

申紹芳字維烈長洲人萬厯丙辰進士由應天府教授陞部
郎出爲山東按察副使累官戶部右侍郎宏光時起原官僧
大悲之獄詞連紹芳及錢謙益二人疏辨獲免

黃孔昭字含美吳縣人崇禎癸酉舉人知大姚縣粵亡子向

墜走萬里尋之御以歸吳中好事者編爲傳奇有石衣翁南
歸草其紀述多野史所未詳者時同邑沈之琰字琬倩崇禎
中內閣辦事中書有退菴遺藁

陸坦字履長嘉定人崇禎庚午舉人授南豐知縣不赴隱居
鄧尉山有庚除詩藁又太倉黃翼聖字子羽崇禎中以徵辟
授新都知縣升安吉知州國變後棄官歸杜門謝客有蓮蕊
居士詩選

邱上儀字維正武進人由武進士授海鹽衛游擊居官甚廉
或告之曰將者知信仁勇嚴不聞以廉取一介亦何傷笑弗
答亂後躬耕紫雲山麓有盜劫客舟上儀鼓弩射之百步外
中盜目乃遁舟人詣謝亦不見又嘗負薪三百斤行山中汎

兵欲奪之盡爲所縛兵乞哀縱之去平居恂恂若文士龍山
祝眉老集隱君子十四人計其齒盈千齡目曰千齡社上儀
與焉詩成以上儀爲第一云又張紀字齊方崑山人承蔭錦
衣衛所千戶國變後掛冠歸有概菴集

張鹿徵字瑤星應天人都督可大子也鹿徵生時園中鹿亦
產子故可大名之以府學生承蔭厯錦衣衛正千戶甲申陷
賊受掠逃歸隱居攝山自號白雲道者著述甚富有古鏡詩
內外集玉光劍氣集設聞正續筆歿後多不傳

孫宗岱六合諸生中書舍人國敕子也國敕以文翰名重京
師宗岱與弟汧如世其學時號爲小三蘇崇禎中宗岱投筆
應薦爲游擊擢參將明亡隱居賣藥以終

許譽卿字公實華亭人萬厯丙辰進士由推官徵拜吏科給事中疏論魏忠賢大逆不道鐫秩歸崇禎中起兵科給事中而閹黨王永光薛國觀訐譽卿爲東林主盟結黨亂政譽卿疏白卽引去七年起故官厯工科都給事中明年流賊燬鳳陵譽卿憤詆本兵張鳳翼閣臣溫體仁王應熊玩寇速禍且曰皇上法無假貸獨於誤國輔臣不一問乎卒不聽尋以資深當擢京卿吏科謝陞希體仁意出之南京大學士文震孟不平之語侵陞陞亦怒疏攻譽卿營求北缺不欲南遷爲把持朝政地遂削籍言官交薦不用宏光時起光祿卿平湖監生陸濬源爲兄兵部員外澄源訟逆案冤阿馬阮旨牽涉三案并詆譽卿譽卿疏辨曰諸臣以翊戴皇上爲正均從倫序

起見耳光廟母子無間先帝身殉社稷何嫌何疑而小人無端播弄假手濬源皇上追削溫體仁諡萬口稱快濬源乃頌其平章之功甚矣若輩之黨奸欺上也大鉞益怒將興大悲獄指爲五十三參之首國變後祝髮爲僧久之卒

陳啓新山陽人崇禎九年以武舉詣闕上書言科目之病資格之病行取考選之病大旨以破格用人動上稱旨立擢吏科給事中然啓新條奏率無關大計御史王聚奎劾其溺職帝怒謫聚奎久之御史倫之楷劾其請託受賕還鄉驕橫詔行勘未上而啓新遭母憂給事中姜埰復極詆之削籍追贓啓新逃去跡之不獲國變後爲僧以卒

倪嘉慶字篤之應天人天啓壬戌進士除戶部主事疏言國

計入不敷出歲額缺至二百三十餘萬何以支持旣兵科給事中劉徽請裁驛遞有旨裁十之三省郵傳銀六十萬嘉慶獨曰驛遞之設貧民不能自食者賴之裁之將鋌而走險此盜生之源也俄而李自成以裁驛卒走高迎祥隊中遂致大亂宏光時調吏部文選司擢戶科給事中晚爲僧名函潛又名大然著有靈潭集

孫自修號無修江甯人崇禎甲子舉人知陽江縣有聲遷大同同知亂後遣二愛姬削髮爲蔚麟和尚弟子遊浙中誅茅於人跡罕至之處顏曰懸溪浙人稱爲懸溪和尚

吳有涯字茂申吳江人天啓丁卯舉於鄉崇禎中署金壇教諭遷平陽知縣國變後爲僧隱鄧尉山

薛案字諧孟武進人崇禎辛未進士由教授陞助教轉南京
刑部主事歷郎中出知開封府鼎革後爲僧以己名案也去
冠故去宀去髮故去人因姓米氏號米堆山和尚

錢龍錫字稚文華亭人萬歷丁未進士由庶吉士歷官南京
吏部右侍郎忤魏忠賢削籍崇禎帝卽位廷推閣臣金甌枚
卜之首得龍錫拜禮部尙書兼東閣大學士遇事正言多所
所匡救逆案之定半爲龍錫主持姦黨銜之次骨高捷史堃
因袁崇煥得罪連疏詆之逮下獄令長繫四年五月大旱釋
戍定海衛宏光時復官歸里未幾卒

陳濟生字皇士華亭人祭酒仁錫之子以蔭歷官太僕寺丞
北都陷南還著再生記顧倉卒傳聞不盡實也歸田後緝啓

禎兩朝遺詩又命工傳寫有明三百年忠臣義士像裝潢成冊萊州黃培逆詩之獄牽涉濟生啓禎集會濟生已歿得不與禍

李世祺字春生青浦人天啓壬戌進士崇禎三年由行人擢刑科給事中時中官出鎮世祺言魏忠賢盜弄神器賴聖天子翦除之奈何躬蹈之不聽尋以浮雨損山陵昌平地動極陳時弊帝切責之七年正月劾溫體仁絕世之奸大貪之尤謫福建按察司檢校久之起行人累遷太僕寺卿以遣祭魯王旋里國變杜門不出久之卒

史愷金壇舉人崇禎庚辰會試後思宗思破格求才設特用榜自愷以下舉人百三十六人許同進士出身愷請援例謁

文廟行釋菜禮并立石太學題名閣臣張四知持不可詔允
愜所請是榜死事者戶部郎中金壇徐有聲安平道副使臨
川曾益大學士寶雞楊畏知開封知府武進蔡鳳黃州府同
知宗室朱統錫邠縣知縣安邑李貞佐汾陽知縣西安山陽
劉汝達大同山陰知縣慶陽衛李倬鞏昌安定知縣臨海應
昌士四川嘉定州知州涇縣朱儀興文知縣漢陽艾吾鼎呈
貢知縣鍾祥黃卷十餘人其苦節不仕者則太倉陳瑚崑山
歸莊嘉定徐時勉三人愜官九江知府嘗撰勸餘雜記他無
所聞

李延昱初名彥貞後改今名字辰山上海人年二十走桂林
爲永歷帝某官晚爲道士隱於醫著有崇禎甲申錄南吳舊

話疾革以玩好分贈友朋而儲書二千五百卷則贈秀水朱彝尊彝尊嘗稱辰山生長士族人不知其門閥策名仕版人不知其官資誦其詩知爲徐孝廉闇公之弟子然出處本末終莫得而詳也

方震孺字孩未桐城人移家壽州萬厯癸丑進士以知縣擢御史天啓初疏論客魏事陳拔本塞源論以言挺擊移宮之案直聲震朝廷

大清兵破遼陽一日十三疏請增巡撫通海運調邊兵易司馬且自師出關弔死扶傷軍民大悅因言三岔河六不可恃疏入命巡按遼東監紀軍事時議者欲退守廣甯震孺請駐振武又請令甯前監軍專斬逃軍逃將並見從而經撫